

## 【現前一念心性】

達默《阿彌陀經要解便蒙鈔》卷 1：「心。乃不變隨緣之用。喻如水上之波。性。是隨緣不變之體。喻如波之溼性也。」(X22,p.825,a22-23)卷 2：「法界圓融體。作我一念心。故我念佛心。全體即法界也。舉此體作彌陀身土。則彌陀三身四土。乃此一念變作。如舉墨成畫。全畫即墨。舉體作名號。則全名號乃此一念變作。如舉墨書字。全字亦是墨。名號即本覺者。即心即佛也。始覺合本者。能所不二也。始本不二。生佛不二者。唯此現前一念心性也。現前一念。常與佛號相應。則一念相應一念成佛。念念相應念念成佛。不隨九界之緣故也。」(X22,p.858,b10-1)

智旭《大乘止觀法門釋要》卷 4：「**譬如見金蛇。知是打金作。即解於蛇體。純是調柔金。復念金隨匠。得作蛇蟲形。即知蛇體金。隨匠成佛像。【釋】……**打金作蛇。喻不變隨緣。蛇體純金。喻隨緣不變也。蛇體金。喻現前一念心性。匠喻止觀法門。成佛像。喻成出障淨法身也。

**藏心如真金。具足違順性。能隨染淨業。顯現凡聖果。【釋】**金可為蛇、為像。即是具足蛇、像二性。故能隨匠打作蛇、像。藏心亦爾。本具違順二性。故能隨染淨二業顯現凡聖二果。然正為蛇時。像性仍在。故可轉蛇作像。則知正在染時。淨性仍在。故可轉凡成聖也。蛇像非佛像。故須修證。佛金即蛇金。故常平等。彼執性廢修。執修昧性者。安知常同常別法界法門哉。」(X55,p.631,a19-b9)

**【教體四義】**《無量壽經起信論》卷 1：「欲明教體。當觀法性。夫法性者。不生不滅。不斷不常。心亦強名。土於何寄。然非心非土。而即土即心。取舍俱捐。見聞絕待。豈可橫生計較。妄說是非。略標四義。以究法源。一。自他不二義。二。性相不二義。三。因果不二義。四。生佛不二義。」(X22,p.117,b8-12)

**【隨事、順理發心】**元曉《無量壽經宗要》卷 1：「發無上菩提心者。不顧世間富樂。及與二乘涅槃。一向志願三身菩提。是名無上菩提之心。總標雖然。於中有二。一者。隨事發心。二者。順理發心。言隨事者。煩惱無數。願悉斷之。善法無量。願悉修之。眾生無邊。願悉度之。於此三事。決定期願。初是如來斷德正因。次是如來智德正因。第三心者。恩德正因。三德合

為無上菩提之果。即是三心。總為無上菩提之因。因果雖異。廣長量齊。等無所遺。無不苞故。如經言。發心畢竟二無別。如是二心前心難。自未得度先度他。是故我禮初發心。此心果報。雖是菩提。而其華報。在於淨土。所以然者。菩提心量。廣大無邊。長遠無限。故能感得廣大無際依報淨土。長遠無量正報壽命。除菩提心。無能當彼。故說此心。為彼正因。是明隨事發心相也。所言順理而發心者。信解諸法皆如幻夢。非有非無。離言絕慮。依此信解。發廣大心。雖不見有煩惱善法。而不撥無可斷可修。是故雖願悉斷悉修。而不違於無願三昧。雖願皆度無量有情。而不存能度所度。故能順隨於空無相。如經言。如是滅度無量眾生。實無眾生得滅度者。乃至廣說故。如是發心。不可思議。是明順理發心相也。隨事發心。有可退義。不定性人。亦得能發。順理發心。即無退轉。菩薩性人。乃能得發。如是發心。功德無邊。設使諸佛窮劫演說彼諸功德。猶不能盡。」(T37,p.128,c3-29)

【三心】『直心』：為正念真如妙法之心。清淨純一、專心企求佛道之心。『深心』：求無上佛果，必須心契深理；欲契深理，必須厚種善根，樂集一切諸善行故。『大悲心』：慈愍一切眾生輪迴生死，受種種苦，誓願救拔，是名發大悲心。

【四心】『廣大心』：欲令三界四生之類，普皆濟度，無一眾生而不度者，所度眾生無量無邊。『第一心』：度脫三界四生之類，不欲令證聲聞小果，要皆令入無餘涅槃（佛果）。『常心』：度無量無數無邊眾生，了知眾生本來空寂，實無眾生得滅度者；雖無眾生可度，而度生之心常無懈怠，是名常心。『不顛倒心』：菩薩度生，若有我、人等相，即非菩薩。菩薩了知我、人等相本來皆空，無能度者，是名不顛倒心。

【三惑】『見思惑』：見惑與思惑的併稱，即迷於界內理、事的見惑與思惑。又稱通惑。『塵沙惑』：眾生見、思數多，如塵若沙，乃他人分上之惑，菩薩之行，專為化他，若令眾生能斷見、思之惑，於菩薩即是斷塵沙惑；而亦名別惑者，別在菩薩所斷故也。『無明惑』：迷於中道第一義諦之煩惱。即障覆中道之根本無明，為一切生死煩惱之根本。以其不了一法界之微細煩惱，遂成法性之障。此無明惑，聲聞、緣覺不知其名，僅菩薩能了知、斷盡，故又稱別惑。又此惑乃由於受界外生死而有煩惱，故屬界外之惑。別教菩薩從初地起漸斷此惑；而圓教菩薩則從初住起漸斷之，而證中道實相之理。